



Adresa: **Ul. H. Čemerlića 39A**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: UP-I/25-3-40-277-6/20
Datum: 13.06.2023. god.

«Agencija za vodno područje rijeke Save» Sarajevo rješavajući po zahtjevu pravnog lica JP „Komunalac” d.d. Gradačac za izmjenu rješenja broj: UP-I/25-3-40-277-4/20 od 14.07.2020. godine u smislu promjene imena pravnog lica, na osnovu člana 262. Zakona o upravnom postupku («Službene novine Federacije BiH», broj 2/98, 48/99 i 61/22), **donosi**

R J E Š E N J E o izmjeni rješenja o vodnoj dozvoli

1. Mijenja se rješenje ove Agencije broj: UP-I/25-3-40-277-4/20 od 14.07.2020. godine u smislu promjene imena pravnog lica, tako da umjesto imena pravnog lica **Grad Gradačac** treba da stoji:

JP „Komunalac” d.d. Gradačac

2. U ostalom dijelu rješenje ostaje nepromijenjeno.

O b r a z l o ž e n j e

Pravno lice JP „Komunalac” d.d. Gradačac, Huseina Kapetana Gradašćevića 62, 75260 Gradačac, ID broj: 4209052390002, obratio se ovoj Agenciji sa zahtjevom broj: 02/1-1055/23 od 02.06.2023. godine kojim je zatražena izmjena ranije izdatog rješenja ovog organa broj: UP-I/25-3-40-277-4/20 od 14.07.2020. godine. Ovim rješenjem pravnom licu Gradu Gradačac dodijeljeno je rješenje o vodnoj dozvoli za zahvatanje vode sa izvorišta „Domažić” u svrhu obezbjeđenja potrebnih količina vode za piće stanovništva i privrede koje se vodom snabdijeva putem javnog vodovodnog sistema, na području grada Gradačac, pri čemu će se sa vodocrpilišta moći zahvatiti ukupna količina vode od cca $Q = 103$ l/s, uz slijedeći raspored po zahvatnim objektima: kapacitet bunara BV-2 iznosi cca $Q_{BV2} = 50$ l/s, kapacitet bunara BV-3 iznosi cca $Q_{BV3} = 52,65$ l/s.

U međuvremenu, Grad Gradačac je upravljanje i korištenje izvorišta Domažić – bunari BV-2 i BV-3 prenio na JP „Komunalac” d.d. Gradačac na osnovu Odluke Gradskog vijeća Grada Gradačac, broj: 01-04-348/22 od 17.11.2022. godine, a što je objavljeno u „Službeni glasnik Grada Gradačac” br.9/22 od 17.11.2022. godine i na osnovu izmjene Ugovora o javnim vodnim uslugama koji je zaključen između Grada Gradačac i JP „Komunalac” d.d. Gradačac, broj:02-823/23 od 24.04.2023. godine.

U prilogu zahtjeva dostavljena je slijedeća dokumentacija:

- Odluka Gradskog vijeća Grada Gradačac, broj: 01-04-348/22 od 17.11.2022. godine – ovjerena kopija,
- Objava Odluke o davanju saglasnosti za prenos upravljanja i korištenja izvorišta Domažić- bunari BV-2 i BV-3 sa Grada Gradačac na J.P. „Komunalac” d.d. Gradačac u „Službeni glasnik Grada Gradačac” br.9/22 od 17.11.2022. godine – kopija,
- Izmjena Ugovora o javnim vodnim uslugama, broj:02-823/23 od 24.04.2023. godine – ovjerena kopija,
- Ugovor o javnim vodnim uslugama, broj:02-391/18 od 02.04.2018. godine - ovjerena kopija

U podnesenom zahtjevu se navodi, a što se iz priložene dokumentacije nesporno utvrđuje, da je u periodu od izdavanja navedenog upravnog akta došlo do promjene u nazivu nosioca prava upravljanje i korištenja izvorišta Domažić.

Uvidom u dostavljeni zahtjev i priloženu dokumentaciju, ovaj organ našao je da je zahtjev podnosioca osnovan. Obzirom da su ranijim izdatim vodnim aktom – Rješenje o vodnoj dozvoli, tadašnjem korisniku objekta Gradu Gradačac, shodno odredbama člana 170 stav 1. tačka 1 alineja 1 Zakona o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH”, broj 92/07, 46/09, 79/11 i 88/12) utvrđena prava i obaveze, iste ostaju novom vlasniku i korisniku JP „Komunalac” d.d. Gradačac.

Uvažavajući obrazloženje podnosioca zahtjeva uz dostavljenu dokumentaciju i uvida u činjenično stanje koje neće dovesti do bilo kakvih promjena na terenu, zahtjevu za traženu izmjenu se može udovoljiti, te je ova Agencija odlučila kao u dispozitivu ovog Rješenja.

U skladu s odredbama člana 262. stav 3. Zakona o upravnom postupku («Službene novine Federacije BiH», broj 2/98, 48/99 i 61/22), ovo rješenje djeluje samo za ubuduće.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15.00 KM administrativne takse, prema tarifnom broju 3. Tarife federalnih administrativnih taksi.

Obradivač akta:

mr Selma Merdan, dipl.inž.geol.



Po ovlaštenju

Rukovodilac sektora za izdavanje vodnih akata

Haris Ališehović
Haris Ališehović, dipl.ing.građ.

Dostaviti:

- JP „Komunalac” d.d., Huseina Kapetana Gradašćevića 62, 75260 Gradačac
- AVP Sava, ISV-vodna knjiga
- sektor 40 – arhiva
- Sektor 50
- Oglasna ploča